

ՀԻՆ ՔՆԱՐ

Տաղ Համբարձման Տեսուն .

Շուկալի ահիւ պակեան հոյք բոցեղինաց խըմբին
Շեսեալ մերունակ կերպիւ ըզՏէր համբարձեալ յերկին ,
Տրկնաթռիչ ամպօք լուսոյ հրակերպեան կառօք ճմմեալ .
Փայլին նշուից ձորձոյն՝ կարմրերփեան բոսոր վառեալ
Քրեամբ ծաղկերանդ պըճնեալ , վէր մահու յինքեան ցուցեալ :
Շ որ իմն ահաւոր տեսիլ , խոցուած բւեռաց տիգին : —
Ս՛վ է սա դիմեալ յերկրէ , զեսայեան գոչէր ձայնէր ,
Շըլացմամբ հըզօր փառօք յերկինս ելանէր առ Հայր
Շ վեր քան ըզհրաշս խորհուրդ , գերակայ անցեալ ըստ միտ .
Շական բանին յայտնեալ՝ զխորհուրդն ծածկեալ յազգաց :

Ես խօսիմ՝ զարդարութիւն , զանճառ փրկութեան խորհուրդ .
Ձհնձանըն հարի , զլըցեալ զողկոյզն ի խաչին ճըմլեալ ,
Ձգինին ամփոփեալ ի յարկ ի յեկեղեցւոյ սըրբոյ .
Գըլուխ իմ լըցաւ ցօղով , վարս իմ՝ * մանր անձրեւով ցայթեաց
Գոյն պատմութեանիս ներկեալ վարդապետն արեամբ խաչին :

Բնկծեալ վանեցի ըզհսկայն , զվիշապըն կարթիւ կալեալ՝
Զխալամն հատեալ բարձեալ ի ձըկնորսացն ուս եղեալ ,
Խաղալիկ մանկանց տըւեալ որդւոց Սիովնի նորոյ :
Զդրամն արքայական գըտի վերառեալ յաղտից տըղմոյ :
Զոչխարըն մոլար բարձեալ ուսովք ի բարձունս բերեալ :
Դուք մի զարհուրիք հրեղէնք վեհք եւ լուսեղէն հոգիք .
Իշխանաց հրամայեցէք ի վեր համբառնալ ըզդրունս .
Մեծի հարսանեաց պարուց խընճոյս կազմեցէք հրաշիւր .
Եւ ուրախակից լերուք հողանիւթեայ բնութեան սեռից :
Մըտեալ ի յերկինս երկնից եւ Հօր ընդ աջմէ նստեալ :
Արդ եկայք մանկունք լուսոյ , տօնեսցուք մեծաւ յուսով
Եւ անճառ երանութեան առնել զմեզ հաղորդ յայնժամ՝
Յորժամ մերունակ կերպիւ ծագէ ի յերկնից փառօք :
Նըմա միայնոյ տացուք զփառս ի յաւիտեանս . ամէն :

* Յօրինակին * :